

壽世保元 辛

小兒科

論歌脈症
十五條

急驚

積癖

熱症

感冒

痢疾

瘡疾

痰喘

小兒初生七十症

小兒五宜

變蒸論

初生雜症論方

胎怯

胎黃

胎驚

驚風

口瘡

客忤

天吊

吃泥

口瘡

牙疳

耳疾

丹毒

眼疾

陰腫

疳瘡

遺尿

尿濁

便血

小兒閉

大便閉

水腫

滯頤

行遲

語遲

麻疹

顛陷

顛填

慢驚

脾胃

咳嗽

胎熱

鎖肚

不尿

重舌

赤遊

頭瘡

盤腸

下淋

黃疸

齒遲

慢脾 傷食 發沙 浴兒法 胎寒 不乳 夜啼 木舌 喉痺 腰瘡 氣痛 吐血 汗症 龜胃 脚拳

諸疳 吐瀉 通治 斷臍法 胎肥 撮口 中惡 弄舌 乳鵝 蟲痛 脫肛 衄血 解頤 龜背 瘡瘡

新刊醫林狀元壽世保元辛集八卷

太醫院吏目金谿雲林龔廷賢子才編

同邑後學周亮登元龍校

小兒科

小兒形色論

論歌脈症十五條

夫小兒半週兩歲為嬰兒三四歲為孩兒五六歲為小兒七八歲為齠齔九歲為童子十歲為稚子矣小兒半歲之間有病當於額前眉端髮際之間以名中食三指輕手滿額按之兒頭在左用右手在右用左手食指為上中指為中名指為下若三指俱熱主感受風邪鼻塞氣粗發熱咳嗽若三指俱冷主外感內傷發熱吐瀉若食中指熱主上熱下冷名中指熱主夾驚食指熱主胸膈氣滿乳食不消又要觀形察色假如肝之為病則面青心之為病則面赤脾之為病則面黃肺之為病則面白腎之為病則面黑先要分別五臟形症次看稟受盈虧胎氣虛實明其標本而治之無不可者


入門審候歌

觀形察色辨因由陰弱陽強髮硬柔若是傷寒雙足冷要知有熱肚皮求
鼻冷便知是瘡疹耳冷應知風熱症渾身皆熱是傷寒上熱下冷傷寒定

觀形察色面目圖

眼胞絡屬脾 癢爛主風熱
眼烏珠屬肝 青主肝有驚
眼瞳人屬腎 不轉睛腎虛
眼尾角屬心 紅主心有熱
眼白睛屬肺 白主肺受冷

觀面部



左腮屬肝
右腮屬肺
額屬心
鼻屬脾
頰屬腎

左腮屬肝其色青者為順白者為逆若色赤主肝經風熱發熱拘急青黑主驚
風腹痛淡赤主潮熱痰嗽

右腮屬肺其色白者為順赤者為逆若赤色甚者主咳嗽喘急悶亂飲水傳於
腎則小便赤澁或淋閉不通

額上屬心其色赤者為順黑者為逆若青黑主驚風腹痛瘈瘲啼哭微黃主盜

汗頭髮乾燥驚疳骨熱

鼻屬脾其色黃者為順青者為逆若色赤主脾經虛熱飲食少思深黃主小便

閉而鼻燥衄血

頰屬腎其色黑者為順黃者為逆若色赤主腎與膀胱有熱而小便不通

又

面赤心家熱 面黃脾有積 面白肺家寒 面青肝有風 唇赤心家熱

唇黃脾有積 唇白肺虛寒 唇燥脾有熱 眼赤心經熱 眼青肝有驚

眼黃脾有積 眼白肺有驚 鼻青主吐瀉 人中青感風 人中赤肺家

人中黑腹瀉 風池紅多啼 風池黃耳逆 山根紫傷驚 承漿黃主吐

唇紅面赤傷 臉青唇黑驚 唇青面白疾 面黃如土瘕 痢下眉頭皺

驚風面頰紅 渴來唇帶赤 熱甚眼朦朧 面黃多食積 青色是驚風

面白多成瀉 傷寒色紫紅

手指脉紋式

夫小兒三歲已下有病須看男左女右手虎口三關紋理兩手食指本節爲風關中節爲氣關第三節爲命關其紋曲直不同如紋只在本節病易治透過中節則病重過第三節則難治驚則紋青淡紅則寒熱在表深紅必主傷寒痘疹紋亂則病久紋細則腹痛多啼乳食不消紋粗直射指甲必主驚風惡候紋黑如墨必困重難醫此乃神聖工巧之一端也

虎口三關脈紋圖

虎口又手處是也三關在第二指久看三節第一節風關第二節名氣關第三節名命關

脈指歌



小兒食指辨三關男左女右一般看皆知初氣中風候末是命門易亦難要知虎口氣紋脈倒指看紋分五色紅黃安樂五臟和紅紫依稀有損益紫青傷食氣虛煩青黑之時症候逆忽然純黑在其間好手醫人心膽寒若也直土到風關粒米短長分兩端如鎗衝射驚風至今作枝叉有數般弓反裏順外爲逆順逆交連順已難又頭長短猶可救如此醫入仔細看初看堂心中有

熱便知身體熱相從肚熱脚冷傷積定脚熱額熱是感風額冷脚熱驚所得
瘡疹發來耳後紅孩子無事忽大叫不是驚風是天癆大叫氣促長聲鼾積
吃熱毒悶心竅急須吐下却和脾若將驚藥真堪笑痢後努氣眉頭皺不努
不皺腸有風冷熱不調分赤白脫肛因毒熱相攻十二種痢何為惡禁口刮
腸大不同孩兒有病不可下不熱自汗兼自瀉神困顛陷四肢冷乾嘔氣虛
神怯怕吐蟲面白毛焦穗府氣潮熱食不化鼻塞咳嗽及虛痰脉細腸鳴煩
燥訝方將有積與疎通下了之時必生詫孩兒實熱下無裏面赤睛紅氣壯
強脉大弦洪肚上熱胛腮喉痛尿如湯屎硬腹脹脇肋備四肢浮腫夜啼長
遍體生瘡肚隱痛下之必愈是為良

小兒脉理

小兒一歲變蒸已足方有脉自寸口而生子見小兒初生未滿月手掌高骨之
際亦有脉息吸吸而動脉者氣血之波瀾既生乃成人必有氣血焉得無脉
但不有大人察其端的之至意也

小兒脉歌

小兒有病須憑脉一指三關定息數遲冷數熱古今傳浮風沉積當先識左手
人迎主外証右手氣口主內疾外候風寒暑濕侵內候乳食痰積致洪緊無
汗是傷寒浮緩傷風有自液浮洪多是風熱盛沉細元因乳食積沉緊腹中
痛不休弦緊喉間作氣急緊促之時疹痘生緊數之際驚風至虛軟慢驚作
瘕癰緊實風癰發搖擗軟而細者為疳蟲牢而實者因便閉脉花大小便中
血虛濡有氣兼驚悸滑主露濕冷所傷弦急客忤君須記大小不勻為惡候
二至為脫三至卒五至為虛四至損六至平和曰無疾七至八至病猶輕九
至十至病勢急十一二至死無疑此訣萬中無一失

小兒五臟主病脉歌

心脉

心脉浮數驚與熱

傷暑焦啼明白訣

弔腸疝氣及盤腸

壅結口瘡小腑溢

心脉沉遲臟腑寒

諸氣有冷痛難當

小便頻數腸中冷

下指端詳仔細看

肝脉

肝脉浮數定主風

目赤醫膜又主筋

流淚出血眼生翳

或痒或痛怕羞明

肝脉沉遲主有寒

良醫仔細要參詳

脾脉

脾脉浮數熱痰涎

唇紅臉赤胃中熱

脾脉沉遲主風吹

滯隨嘔惡醒脾丸

肺脉

肺脉浮數主便血

瀉痢潮熱大腑泄

肺脉沉遲主風寒

下根不定即無根

腎脉

腎脉浮數實有熱

停身齒內出鮮血

腎脉沉遲定有寒

面青唇白眼喜張

諸病傳入慢風候

能食胃惡脾臟堅

滯頤口瘡停壅結

更加吐瀉慢脾傳

氣虛胃弱不能食

傷寒咳嗽遍身熱

氣急痰盛或瘡疹

臟腑滑腸或洞泄

仍有咳嗽與痰涎

偏墜膀胱痛又赤

口臭咬牙是腎驚

臟腑停畱入腎囊

偏墜膀胱尤不痛

光浮虛大最難當

小兒死症真訣

黑色如懸針眼下盧醫也須怕忽然腹痛鼻青時不必更求醫青色連日橫入耳此候必知死黑色繞口及連目看看定不足黑色眉間也不良十日必然亡人中黑色入口來孩子人泉埋水腫之病準頭黑報君腎氣滅咳嗽切忌白入肩肺絕要君知孩子吐時鼻色白命斷能再得中風切忌面如妝焉能得久長目焰無光兼直視必定三朝死更有瞳人不動時死候要君知目似開如又不開也是死之媒口噤全然不進乳此病終不起瀉下之物如溺血孤兒不得活長吐不止止又吐休要勞心顧病人不食更啖人終與死爲鄰瀉痢不歇歇又來指日下泉台小便艱難又大渴畢竟難得活大使用藥全不通痛鶻也無功耳上主瘡黑斑出醫人無此術久嗽四肢皆逆冷無由難得醒休熱多應睡不醒休要費精神痘疹出後熱不退此候應爲害下糞青黑不止時不覺覺良醫久渴之後加燥渴命必難得活腹腫脹時氣又鼈終久命不甦

小兒死候形症

大衝無脉滿口枯涎身出黑汗舌縮生瘡五心凸腫瀉出黑血丹毒遍身瀉止
又瀉直視看人面黑狂燥驚叫咬人吐瀉不止魚口氣竈鼻乾黑燥忽作鴉
聲啼哭無淚兩眼半開四肢羸瘦氣喘無烟肚大青筋四肢逆冷汗珠不流
唇反舌縮用手撒人搖頭動項顙門作坑涎加牽鋸拘腰凸肚鼻內氣冷患
者皆死已上並是死候難以醫療不可順情

看兒眼法

小兒諸病但見兩眼無精光黑精無運轉目睫無蜂芒如魚眼猫眼之狀箇箇
不治或神藏於內外若昏困者無妨其有病篤而眼中神氣不脫者可以活
眼者五臟六腑神氣之所發神氣已脫脉雖僅存亦未能保

相兒命短長法

兒初生叫聲連延相屬者壽聲絕而復揚急者不壽

啼聲散不成人

啼聲深不成人

臍中無血者好

臍小者不壽

通身軟弱如無骨者不壽

魚白長大者壽

自開目者不成人

目視不正數動者大非佳兒

汗血者多死不壽

汗不流不成人

小便凝如脂膏不成人

頭四破不成人

常搖手足者不成人

早坐早行早齒早語皆惡性非佳兒

頭毛不周匝者不成人

髮稀少者強不聽人一作不聰

額上有旋毛者早貴妨父母

兒生枕骨不成者能言而死

尻骨不成者能促而死

掌骨不成者能匍匐而死

躡骨不成者能行而死

臍骨不成者能立而死

身不收者死

魚口者死

股間無生肉者死

頭下破者死

陰不起者死

陰囊下白者死

卵縫通達黑者壽

急驚

脉訣啓蒙曰小兒脉促急為虛驚○直指云浮數洪緊為急驚○沉遲散緩為

慢驚○虎口脉紋青紫爲驚風○紅者風熱輕○赤者風熱盛○青者驚風
○紫者驚熱○青紫相半驚積風熱俱有主急驚風○青而淡紫伸縮來去
主慢驚風○紫絲青絲或黑絲隱隱相雜似出而不出主慢脾風○形勢
人裏者順○出外者逆

夫急驚風者因內有鬱熱外挾風邪心家受熱而積驚肝家主風而發熱夫木
制任金火盛則金受尅金衰不能平木木能生火火得風則火焰起故子母
縱橫血亂氣併痰涎壅塞關竅不通風火蕃盛而不得泄暴烈而成急驚也
其症牙關緊急壯熱涎潮竄視反張搖擗攣動唇口眉眼眨引頻併六脉浮
散洪緊治先搐鼻通關痰涎壅盛以吐風散吐之次用敗毒散保命丹或雄
黃解毒丸下之驚退而神志未定投安神散但噴藥不下通關不噫眼睛番
輔口中出血兩足擺跳肚腹搖動或神緩而摸牀尋衣症篤而晨昏氣促心
中熱痛忽大叫聲者不治

噫驚散

半夏

牙皂

等分爲末用豆許吹入鼻中

○一論小兒急慢驚風發熱口噤不省人事手心伏熱痰涎咳嗽上壅喘急並宜湧法

吐風散

全蝎炒一個 瓜蒂炒十箇 赤小豆三十箇

右爲末每一歲兒服一字溫米飲調下未吐再服

○一論小兒急驚風初起發熱手足搐搦眼上視等症并一切感冒風寒頭疼發熱咳嗽鼻塞聲重及痘疹欲搐發搐并時行瘟疫等症宜

加味敗毒散

羌活 獨活

前胡

柴胡

白茯苓去皮 人參

枳殼去穢炒 桔梗

天麻

全蝎

姜蠶

白附子

地骨皮 川芎

甘草

右作一劑生薑三片水煎熱服

○一論小兒急驚搐搦眼番目驚搐頭歪引痰嗽喘熱服

南極壽星湯

膽星

防風

白附子

神退

防荷

甘草

右劉水煎服

○小兒潮熱驚啼

木通

車前

赤茯苓

麥門冬

神退

防風

白芍

甘草

燈草

水煎服

○小兒驚風咳嗽痰喘

天南星

大者炮去製

為末每服

生薑三片水煎溫服

○論小兒胎驚內弔則腹堅硬目睛上視手足搐搦角弓反張痰嗽喘熱一

切急慢驚風並皆治之

至聖保命丹

南星

炮去皮用白礬小兒

一兩再出曬

半夏

同上製

青黛

薄荷

乾再用生薑水浸一

兩曬乾再炒

白附子

各五錢

姜蘘姜汁炒

防風

鑿金

甘草

各五錢

麝香

少許

朱砂

為末五錢

右為細末煉蜜為丸朱砂為衣芙蓉大每服一丸燈心薄荷湯化下

○一論小兒痰喘急慢驚風卒死但能開口灌下無不活者用千金散

內閣秘傳

全蝎 炙熟 直姜 各三分 朱砂 四分 牛黃 六厘 冰片

天麻 黃連 各四分 膽星 甘草 各二分

右為末每服五七釐薄荷燈心金銀煎湯不拘時調下

○一論驚風退後恍惚虛怯安神定志調理之劑安神散

人參 茯苓 去心 遠志 去心 天麻 白附子

麥門冬 全蝎 蓮肉 茯神 去皮木 朱砂 各等分

右為細末每服燈心湯調下

○一小兒沉困發熱驚搐不乳視其脉紋如亂魚骨此風熱急驚之症也先用

抱龍丸少許祛風化痰後用六君子湯加柴胡壯脾平肝遂熱退而驚定

○一小兒瘦癯啼叫額間青黑此驚風肝木乘脾腹中作痛也先用六君子湯

加木香柴胡鈎藤鈎啼叫漸緩更加當歸又二劑而安

○小兒目內色青發搐上視叫哭不已或用牛黃清心丸不愈反咬牙頓悶小便自遺此肝經血虛甚故耳余用補中益氣湯及六味地黃丸而痊

慢驚

慢驚風者因外感風寒中傷乳食而作吐瀉或得大病之餘或誤吐下之過脾胃兩虛脾與肺母子山母虛亦令子虛而生粘痰胃虛則能生風風能動能開故其症曰偏喜開竅帶咽喉如牽鋸狀口鼻氣冷唇緩面青涎流眼角將復痰癰是也治宜快風活痰健胃胃不可妄用腦麝色粉等藥其有眼閉四肢厥冷者名曰慢脾風極危急速用回陽之藥手足漸溫復以醒脾散理之其服藥不効太衝脈向有者灸百會穴但面黯神慘魚口鵝聲脾痛脇動身冷粘汗頭搖髮直睛定口瘡喘喘尺臥唇縮氣麗者不治

加味和中散

治小兒慢驚風

人參

白朮

去片一錢

白茯苓

去皮

陳皮

各五分

半夏

七分

全蝎

炒五分

天麻

七分

細辛

三分

薄荷

三分

甘草

各二分

右劉一劑生薑棗煎服乳母亦宜服之

○一論小兒吐瀉不止作慢驚風脾困昏沉默默不食宜醒脾散

人參

白朮 去青

白茯苓 去皮 木香

全蝎

姜蚕

白附子

天麻

甘草

○一方去天麻姜蚕加炮南星半夏麴陳倉米二百粒水煎熟旋服之
右劉生薑三片棗一枚水煎服

○一論慢驚乃元氣虛損而至昏憤急灸百會穴若待下痰不愈而後灸之則元氣脫散而不救矣此乃臟腑傳變已極總歸虛處惟脾受之無風可逐無驚可療此因脾虛不能攝涎而作痰也此方專治慢驚涎潮發搐或吐或瀉不思飲食神昏氣弱宜用

紫金錠子

人參

白朮 去青

白茯苓 去皮

白茯神 去皮 木山藥 剉

乳香

赤石脂 煨 七分

砂 各二錢

麝香 一錢